





1729, 21^a
23

FACULTATIS JURIDICÆ
DECANVS,
JO. PHILIPPVS
Streit, JCVS,

EMINENTISSIMI AC SERENISSIMI PRINCIPIS
ELECTORIS MOGVNTINI CONSILIA-
RIVS REGIMINIS,
L. B. S.

ERFORDIÆ,
Typis GROSCHIANIS, Acad. Typogr.

△

1729





Leges Pandectarum & Constitutiones Codicis sub titulis de *Postulando*, ad personas pertinent, quæ postulare possunt, aut prohibentur. *Perez ad Cod. dist. tit. n. 2.* prohibentur autem minores 17. annis. *L. 1. §. 3. ff. h. t.* quia adhuc infirmum iudicium in iis, qui ad plenam pubertatem nondum pervenerunt, deprehenditur.

Post completum verò decimum septimum annum Postulare permittuntur. An autem hodie eadem ætas sufficiat, vix generali Regula determinari poterit; ubi tamen expressa locorum statuta non refragantur, standum erit juris communis dispositioni. *Stryk. in usu modern. Pand. ad dist. Tit. §. 2.* ubi §. 3. ait: Non tamen desunt, qui hodie ætatem majorem in Advocato præcisè exigunt, præsertim si minorennitatis exceptionem opponat Adversarius, ob rationem, quod legitimam personam standi in iudicio non habeat, per *L. 12. Cod. de Procurat.* Verùm non confundendus hic est Procurator cum Advocato. Minores 17. an. ergo prohibentur propter ætatem & pueritiam. Alii autem prohibentur propter casum, uti surdi, qui prorsus non audiunt *dist. §. 3. versic. propter casum.* Ubi *Ulpianus* rationem reddit; quia non erat permittendum ei postulare, qui iustum vel decretum Pratoris non exaudit, quod etiam ipsi erat periculosum futurum. Nam non exaudito decreto

X 2

Præ-

Pratoris, facillè, quasi non obtemperasset, ut contumax
pœnâ aliquâ plecti potuisset. Propter sexum prohibentur
fœminæ pro aliis postulare, quia in civile est, fœminas
promiscuè se civilibus & virilibus negotiis immiscere. *dist.*
L. 1. §. 5. Ubi Ulpianus refert, causam huic prohibitioni
dedisse Carfaniam improbissimam fœminam, quæ inve-
recundè postulans Magistratum inquietavit. Prohibitio
hæc sine dubio adhuc hodie obtinet, *ait Stryk. ad d. t. §. 5.*
Verùm, an hodie pro se postulare possit fœmina, quod
jure Romano ipsi permittebatur. *L. 4. Cod. d. t.* non con-
venient locorum consuetudines. Porrò cæco, sive utro-
que lumine orbatò, pro aliis postulandi licentia interdicta
est. *d. §. 5.* eo quod insignia Magistratus videre, & digni-
tatem revereri nequeat. Excipit etiam Prator personas
quasdam turpitudine deformatas, item qui capitali crimine
damnati sunt, quia cum hi nec erga Deum, nec erga
se ipsos justitiam exercuerint, multò minus censendi sunt,
velle illam in aliorum negotiis exercere. *dist. L. 1. §. 6.* in-
super prohibentur postulare infames, quia officium Advoca-
tati est honorificum & nobile, ut DD. colligunt *ex L. 7.*
Cod. d. t. infames enim ab omnibus dignitatibus submo-
ventur. *per L. 38. Cod. de Decarion. L. 2. Cod. de dignitat.* Nec
debent pro aliis postulare damnati de calumnia iudicio
depugnarent, locaverint. *dist. §. 6.* Ubi Ulpianus hoc ple-
nius declarat, & addit: quod hæc personæ, quæ pro merce-
cede, & non virtutis causâ cum bestiiis pugnant, pro se
postulare possint, non pro aliis, nisi tutelam, vel curam
aliquam gesserint, tunc enim pro suis pupillis, vel adultis
postulare possint. *d. L. 1. §. 7. & L. 6. ff. d. t.* Ubi idem Ul-
pianus putat, omnes, qui necessario officio funguntur,
posse sine offensa edicti postulare, licet aliàs non nisi pro
se postulare possint, veluti pro pupillo, furioso, fatuo, &c.
Porrò iudices & arbitri in ea causâ, in quâ iudicatori
sunt, postulare lege prohibentur. *L. 6. pr. Cod. d. t.* cum Ad-
vocati ordinariè faveant suæ parti, & suscipio sit, tales la-
turos sententiam in favorem sui clientis, ac nemo possit
in

in uno negotio esse iudex & Advocatus; nec non ille utriusque causâ merita ad iustitiâ bilancem trutinare teneatur. Deinde potentiores aliis Patrocinium præstare non possunt. *tot. tit. Cod. ne liceat potentioribus patrocinium litigantibus præstare, vel actiones in se transferre.* Porro in Decretalibus *tit. de postulando.* interdicitur quibuscunque Clericis in SS. Ordinibus, quin & in minoribus constitutis, si beneficium habeant, ne in foro sæculari postulare præsumant, nisi pro se ipsis: vel Ecclesiâ suâ: vel, si necessitas exigat, pro personis conjunctis ac miserabilibus. *Cap. 1. §. 2. X. de postul.* In causâ enim sæculari, & coram iudice sæculari advocare, est negotium sæculare, quod huiusmodi clericis inhibitum est. In foro tamen Ecclesiastico postulare non prohibentur, sed potius à sensu contrario universim admittuntur, prout notant canonistæ *ad d. r. aded,* ut etiam consuetudine in curia promana id receptum sit. Quod si etiam in sacris constituti congruam sustentationem ex beneficio, vel aliunde habere nequeant, indistinctè advocare possunt in utroque foro, si enim Clerico advocare licet pro pauperibus & miserabilibus personis, ut illarum necessitati subveniat, multò magis erit illi licitum & honestum, ut propriæ necessitati & egestati consulat: nam ordinata charitas incipit à se ipsa. Dicta procedunt in causâ civili, non etiam criminali, in qua nullus clericus advocatus esse potest ex parte accusatoris, si condemnatio ad mortem, vel etiam ad membri abscissionem sequi possit. *Cap. sententiam. q. Ne Cleric. vel Monach.* idque propter periculum imminentis irregularitatis. Pro reo autem clericus advocatus esse potest, in quantum eum parè defendit, & non petit accusatorem pœnâ talionis puniri. Quamvis DD. in hoc casu judicent tutius esse, ut clericus à defensione huiusmodi rei absteineat. Circa Religiosos illud speciale est, quod propter singularem subjectionem, & obedientiæ votum, nequidem in foro Ecclesiastico postulare possint, nisi agant causam concernentem directè utilitatem monasterii ex mandato superioris. *Can. Depraesentiam. 20. juncta gloss. verb. defensor, Can. Monach. 35. XVI. q. 1. Cate-*

rum postulandi licentia hodie in plerisque judiciis adeo restricta est, ut nec majores, utot jurium sint peritissimi, postulare possint, nisi ordinario Advocatorum numero adscripti, & juramento speciali Advocatis præscripto, constructi, de omni calumnia præcavenda, & causis ad justitiæ Regulas perorandis. *Stryk, ad r. de postul. §. 4.* Quos autem Prætor prohibet apud se postulare, eos in tantum arceat, ut non admittantur, etiam si adversarius petiatur eos postulare. *L. Quos prohibet 7. de postul.* Quam legem pro lectione cursoria elegit

NOBILIS ET CLARISSIMVS

DOMINVS

CHRISTIANVS GOTTFRIED
CONRADI,

Qui ex tradito ab ipso vitæ curriculo, Patriam agnoscit Burckhardsdorff, Vicum ad Circulum Misnensem relatam, ubi die 4. Junii anno 1697. lucem primùm aspexit, natus autem ex Parentibus honestis, Patre nimirum CHRISTIANO CONRADI, Seren. ac Potent. Reg. Pol. & Elect. Sax. circa reditus, qui Accisarum nomine veniunt, quæstore, & Senatus, qui Lipsiæ floret, illustris, in Tributis, uti vocant, Conscriptore, Viro, dum viveret multis, qui ejus officiis & operis usi sunt, laudato atque adamato, Matrem vero habuit, Candidatus, ANNAM CATHARINAM, è gente BOERNERORVM, Annabergo oriundam. Teneros annos in scitu necessariis, maximam partem, sub institutione B. Parentis privatâ consumpsit, deinde Latinis & Græcis literis, aliisque artibus liberalibus, in Lyceo Episcopali Cizensi à Viris Doctissimis & Clarissimis Dn. M. GODOFREDO GLEITSMANNO, tum Rectore, Dn. M. JO. CHRISTIANO HERTZOGIO, tunc temporis Con-Rectore, jam utroque defuncto, & Dn. CHRISTIANO ERAMERO, antea Collega III. nunc Con-Rectore, instru-
ctus

ctus, in Academiam Vitebergensem anno 1715. se contulit, ubi non tantum quibusvis Philosophiæ instrumentalis & Practicæ partibus, præeunte Excellentissimorum Virorum, BERGERI, JANI, HASSII, LOESCHERI & WEIDLERI institutione, sedulam navavit operam, sed etiam ab ore Magnificorum ac Consultissimorum Antecessorum, aliorumque Doctorum pependit, & Magn. HORNIO in exponendis Jur. Can. Institutionibus, Illustri Dn. de WERNHER, ad Grotium de Jure Belli & Pacis commentanti, & in Lauterbachii Compendium Juris prælegenti, aures dedit, non minus discursus Magn. GRIEBNERI in Auream Bullam visitavit, ut & Magn. BASTINELLERI & Magn. MENCKENI Lectiones frequentavit, primordia vero Juris apud Consult. BRENDÉLIVM, Institutiones Imperiales & Struvii Jurisprud. For. explicantem, & apud Excell. KRAVSIVM Schœpferi Synops. Jur. priv. enucleantem, fecit, quantum vero temporis, hisce pensis succidere licuit, in scholas Theologorum theticas & polemicas impendit. Triennio Vitebergæ peracto, Halam Candidatus Noster, anno 1718. progressus, ubi Illustr. THOMASIVM circa ipsius fundamenta Jur. Nat. & Gent. ratiocinantem, Magn. BODINVM de Juribus matrimonialibus ediferentem, Illustr. Dn. ab LVDEWIG Jus Publicum ex Coccejo, & Jus Feudale ex Strykii Examine proponentem audivit, Magn. BOEHMERI discursibus in Corv. Jus Can. institutis adfedit, Excellent. LVDOVICI annotata in ejus doctrinam Pandectarum excepit, & Consult. FLEISCHERVM, Griebneri Principia Processus Judiciarii, pragmaticis exemplis illustrantem frequenter adiit, hic autem nec Clarissimi & Præstantissimi WOLFFII acroateria Philosophica neglexit. Anni ferme spatio in hac illustri Fridericiana emenso, Lipsiam se Candidatus convertit & numero civium academicorum adscriptus est, ibi Præcellentissimorum Docentium prælectiones, repetitionis gratia, passim perscrutatus, tandem, Notarii Publici Officio, coram inelyto Senatu Lipsiensi assumpto, circa finem anni 1719. Actuarii vices in Præfecturâ Weidensi subiit, quibus usque ad annum 1726. adstitit, simul

mul & ab anno 1722. in præfens usque tempus administra-
tioni Justitiæ in Præfecturâ Mildenturteni, Actuarii nomi-
ne contentus inter fuit, hisce autem judicialibus laboribus,
praxin, facultate eam prosequendi, clementissimè ipsi con-
cessâ, semper conjunxit, quibus omnibus & capeffendis
jamjam Jurium honoribus ut summus & omnipotens Lar-
gitor & impostero benignissime adspirare velit, divinam
clementiam implorat. Quapropter Facultatem Juridicam
hujatam adiit, & ad consuetum Doctorandorum examen
admitti decenter petiit, admissus, textus ex utroque jure
communicatos, tam exactè resolvit & enodavit, & ad Qua-
stiones propositas tam doctè & solide respondit, ut ad ul-
teriora specimina edenda admissus, & gradu doctorali una-
nimi consensu dignissimus judicatus sit. Quare cras horis
consuetis ad dict. *L. Quos prohibet. 7. ff. de postulando.* Lectio-
nem cursoriam, eaque finitâ Disputationem de CESSIO-
NE BONORVM FAMAM NON SVGGILLANTE, ha-
bebit. Ad quos actus solennes, Magnificus Dominus Re-
ctor, nec non Domini Proceres & Cives Academici per-
humaniter invitantur. Publicatum sub Sigillo Facult. Jurid.
XXX. Octobr. MDCCXXIX.



(X228 2285)

VD
18


ULB Halle

3

007 436 564







B.I.G.

Farbkarte #13

FACULTATIS JURIDICÆ
DECANVS,
JO. PHILIPPVS
Streit, JCTVS,

EMINENTISSIMI AC SERENISSIMI PRINCIPIS
ELECTORIS MOGVNTINI CONSILIA-
RIVS REGIMINIS,

L. B. S.

ERFORDIÆ,
Typis GROSCHIANIS, Acad. Typogr.

1729, 27a
23

1729

